



Naka le Nala ba bua ka lefatshe

Connie Makgabo
Vusi Malindi



Naka le Nala ba mo tshingwaneng ya bone. Ba a phefafatsa, le go lema merogo.

"Ke goreng re dira ka natla jaana mo letsatsing?" Nala a bua ka khemo.



"Re dira ka natla gonne re rata lefatshe le tikologo ya rona!" Naka a bua a goelets.

"Bana ba gola sentle thata mo tikologong e e phepa," a oketsa.



"Mme, re lema merogo gore re kgone go ja dijo tse di itekanetseng," ga tswelela Naka.

"Go itemela merogo go ka re thusa gore re ipolokele madi," ga rialo Nala.



"O ne o re eng ka lefatshe? Mpolelele go le gontsi?" Nala a tswelela.

Naka a re, "A re nne fa fa fatshe, mme ke tlaa go bolelela sengwe ka lefatshe la rona."



Naka a simolola, "Lefatshe ke polanete e kgolokwe e re nnang mo go yone. Batho ba le bokana ka dibilione di le robedi ba nna mono! Lefatshe le dikologa letsatsi."




"Lefatshe le dirilwe ka boalo, mowa, le metsi. Ditshedi di nna mo bogodimong jwa polanete gonne e molelo thata mo teng," go tlhalosa Naka.



Nala o mo tsena ganong, "Ke goreng re sa we mo lefatsheng?"

"Maatla a kgogedi a re gogela kwa tlase. Maatla ano a re gogela mo polaneteng," ga araba Naka.



"Re ka tlhokomela lefatshe jang?" ga botsa Nala.
Naka a araba, "Ga re a tshwanela go kgotlela
lefatshe. Re tshwanetse go dirisa gape le go
fokotsa matlakala a rona."



Naka a tswelela, "Re tshwanetse go dirisa gape
polasetiki, pampiri, galase, le meteme. Go ka
dirwa dilo tse dintšhwa ka didiriswa tse di
dirisiwang gape. Re latlha dilo tse dintsi thata."



—Dipotso

1. Nala le Naka ba dira eng? Ke goreng?
2. Kwala dintlha tse 4 ka polanete ya rona.
3. Ke goreng re tshwanetse go tlhokomela lefatshe?
4. 'Go dirisa dilo gape' go kaya eng?
5. Ke eng se se ka dirisiwang gape? Neela dikai.
6. Re ka dira eng gape go sireletsa lefatshe?

Naka a konosetsa, "Re tshwanetse go tlhokomela lefatshe gonne batho ba a le tlhoka gore ba tshele."

Nala a makala, "Re tshwanetse go boela tirong!"



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
Institute for
EDUCATION AND
RURAL DEVELOPMENT



Your attribution should include the following:

Title: Naka le Nala ba bua ka lefatshe

Author/s: Connie Makgabo

Translator/s: Opelo Thole

Illustrator/s: Vusi Malindi

Assurer/s: Glanice Masilo, Dineo Moatshe

Language: Setswana




9 781779 859020

© Zenex Foundation - Saide 2023

CC BY includes the following elements:

BY – Credit must be given to the creator



Attribution CC BY